

河
上
楮
談

河上楮談敘

曩余在金陵往從諸長者遊得聞所未聞遇曹中無事時取架上書誦一二過稍紬繹其義偶見管一班又憶往昔長老所稱說一一命楮生錄之積幾成帙會領渝州守郡故繁又多奔走之役更不暇理既由渝守移潼關關地雖當險塞然簿書少暇賓客

軒蓋來有時是歲夏五月天雨閉門
獨坐琴鶴軒中取曩所錄閱之意稍
會又更益數語追念金陵舊好及生
平所知交亦略疏其出處大槩存之
為傳雲小志以示不忘蓋旬有二日
而畢視曩日三倍之乃刪其繁雜取
可以代客言者都而命之曰河上楮
談而附以志其言漫無詮次惟所手

錄為先後。庶幾籍以贄客無事。咄
咄為也。或曰：桃林之塞為函谷。即今
關內地。昔柱下史乘青牛過焉。關令
尹喜強為著書。今其言五千故在也。
言道德者。師之河上公者。當漢景帝
時。結草河湄。為菴居之。景帝從授。柱
史言已。雲霧晦冥。天地斗合。失其所
在。彼二氏所言何如哉。而子顧從河

上為是也余曰唯唯否否夫子不云
乎不有博奕者乎為之猶賢乎已余
茲備抱關之吏幸

皇路清夷桴鼓不驚不以其暇從牧猪
兒袒跣呼梟盧又不解奕不能效蛛
絲蟬蛻弊其精力為爛柯者所竊笑
吾庶幾為此即不得稱賢於無所用
心殆將免矣儻以是質之長者為發

墨守俾淺陋日有益又詎知非厚幸
哉則吾籍吾談多矣因敘次其語并
之以俟後之日

萬曆己卯夏六月朔秦關散吏郁水
山人朱孟震書

河上楮談目錄

卷之一

高皇聖度

報應之巧

練中丞恩遇

練中丞遺事

花狀元書樓

周所立

胡進賢

五穀樹

孫兵籍

王吳死節

明玉珍父子

鄒興

鷄鶩食邑

關鐸萬勝

金文靖

聶大年詩

前輩博雅

建文遺事

葉希賢

陳尚書詩

劉文安母

石潭戒舟人

枝山志恠

壽寧侯

練中丞降箕

石龍城

洗墨池

蕭公靈異

周公狗

白髮詩

魯孺人節

黎先生

教中丞去婦

黃給諫

胡廷尉

睢寧侯

武昌風水

胡後坡

淮清橋鬼

乙巳土食

麻陽苗亂

洞庭水鬼

桃川洞

盤瓠石

辰砂

水銀

張長壽

岩洞奇異

玉筍夢

廣壽石刻

虹沙夢

石匣池

雷斧石

東海後著

田生傳

前簾風節

許先生

睢寧知縣

記前生

京師宅

胡貞烈

金陵泉水

古鑑銘

詩識

卷之二

萬鑑遇呂祖

二僮傳

梁公

閩中孕婦

四節指

羅氏婦

魘魅

王中丞

張中丞集

石鍾山詩

友石

陳憲使

峨眉佛見

昌州海棠

荔枝園

釣魚城

石頭草菴歌

溫湯寺

定遠白兔

井露

謝慧卿

唐行宮碑

箕仙

孟密寶石

巴中二水洞

華嶽靈異

武安靈貺

漢壽侯爵謚考

秦宜祿妻

女媧風陵

惠逸人

華州二烈女

趙生食潘魚

裴黃嘲譚

甄生滑稽

史記錯誤

吳起蘇秦

荆軻傳

雍樹

恩公

牛鼎

陰重不泄

同姓名

棄觚投筆

巽酒救火

慶虬之

二杜二陳

張世傑

杜櫟語

寶積記

紀事差誤

著書遺誤

古今詩誤傳

太白集

永王東巡歌

長干行

太白贈杜詩

杜註

杜誦詩

韋蘇州佳句

杜常

僕散公詞

鴈門太守行

四十雙

節婦詩

簡西密

升菴在滇南

黃夫人

李玉英

古今才婦

骰子詩

朱
王
永
城

趙氏女

高
三
二
傳
奇

卷之三

停雲小志

河上楮談目錄終

河上楮談卷之一

新淦朱孟震秉器甫著

高皇聖度

高皇帝廓清海宇驅逐腥膻而又不階尺土以
有六合自有帝王以來功烈之盛無與爲比
惟漢高起泗上亭長滅秦誅項爲幾近之然
漢高不事詩書輕士嫚罵

高皇帝旣克太平卽延禮儒臣陶安李習方取
金陵卽遣使聘秦元之訪問政事而又時引
儒臣談論經義作爲詩文天藻煥發真不世

出之主也。及元主旣殂，爲謚曰順，後獲其孫
買的里八剌，封爲崇禮侯。遣書幼主，入與
其臣劉仲德、朱彥德書，令諭幼主取其子歸。
至七年九月，竟遣宦者咸禮表卜花帖木兒
送歸，仍厚賜而面諭之曰：爾本元之子孫，國
亡就俘，曩欲卽遣爾歸，以爾年幼，道里遼遠，
恐不能達。今旣長成，朕不忍令爾久客於此。
故特遣歸，見爾父母親戚，以全骨肉之愛。又
諭二宦者曰：此爾君之嗣，不幸至此，長途跋
踣，爾善視之。又致書幼主，大矣哉帝王之度。

漁蓋天壤所謂商周終愧德堯舜敢論功者
詎獨區區征伐政事之間哉

郭應之巧

自古盜竊之君蠅聲紫色雖能暫奸天位然
不旋踵而禍敗隨之至得失之際造化者又
獨巧爲郭應不爽毫髮秦滅六國楚最無辜
而卒之滅秦者楚也魏以鬼蜮代漢狐媚欺
孤而芳髦廢弑慘於辨協璜封陳留爲獻舊
國較若銖兩晉之取魏自爲得矣乃冒姓之
劉淵起而議其後至繼司馬而禪者又彭城

之劉也朱梁篡紀李宗以覆沙陀之賜姓乃
壓鄆州而蹙之元起沙漠穢亂中原宋趙氏
之禍下及陵寢不知瀛國之封已陰奪其祀
至倡群雄而開我明者則林兒之宋也孰謂
天道夢夢哉

練中丞恩遇

鄉先達練先生子寧洪武乙丑廷試第二余
鄉人至今稱爲練狀元蓋是科會試首黃子
澄次先生次丁顯及廷試丁首選次先生次
黃子澄先是

高皇夜夢三絲墜地將廬唱以予澄年少論議
過激稍抑置二甲第一而以二甲花綸易之
三人者姓名俱有絲適與夢叶

高皇喜甚俱賜狀元授翰林修撰於是京師有

黃練丁丁練花之謠

他書以為
丁練黃誤

余鄉舊有狀

元坊在學宮之左余少時猶及見之今毀矣

而先生集有送花狀元歸娶詩花娶未幾卒

先生詩有云極知身負君恩重莫遣心隨粉

黛移蓋諷之也人謂先生詩識云又先生父

伯尚洪武中以起居注直諫謫廣德州同知

比登第

高皇帝曰江南無練姓是必伯尚子也考吾學
編資治通紀雙槐歲抄塵談丹鉛狀元諸錄
及陸文裕外集諸書所載互異未有得其實
者歲抄謂子澄第三名得之中秘不應錯繆
若是豈革除之際前錄盡毀而秉史筆者亦
不及詳攷耶至以三絲爲雙絲謂狀元爲美
稱又謂以丁易花者皆出臆見水東日記又
謂是科狀元爲張顯宗而以雙絲事附之此
尤誤矣張辛六許觀榜第二非狀元也前輩

學多識諸所記載必當有據後學小生僻
遠寡聞非敢輕議第練爲鄉人而長老傳聞
非一皆鑿鑿可據若先宜人外家魯氏世以
儒業著玉屑集有送魯師德詩集中詩多出
其家所傳聞尤可信者先生大節耿耿區區
一第不足輕重第當時

人君寵異三人至形之夢寐若抑黃一事非英
明蚤見何以及此故特筆之以俟博雅君子
他日採擇且以備鄉之故實非敢爲異也

練中丞遺事

練死於靖難

文皇帝怒其不屈誅及十族余先族祖及先宜人吳氏祖俱以詩朋謫戍其他以片紙隻字株連者幾千餘家練有一妾一女靖難前俱留滄後就先生金陵先生一見輒泣下不止蓋知二人者不能死也先生死俱發浣衣局仁皇帝時女得歸嫁東坊陳氏今滄有練小女戶云練之先由三洲居城東坊爲東坊民而祖籍尚有人靖難時或死或竄俱無存者今三洲有村農姓練氏蓋遠孫也羅太史洪先

過三洲訊之因哭以詩曰三洲烟草暮江濱
未問遺墟淚下頻破冢有山歸別主遠孫無
食寄貧隣百年天地誰非幻千古綱常獨在
身莫爲英雄倍惆悵天涯多少未歸人

花狀元書樓

花狀元家藏書甚富魯之先有隱者某博學
嗜書尤善象戲曾授徒東魯積束修幾二百
金歸道錢塘適鄉富商數人以象戲與他賈
角輸直百金見魯至請與之角魯先從傍觀
知其以二馬勝次日與角盡還諸商直并得

瑪瑙衫一乃從花氏遊盡捐所得書以大舶
載歸魯故藏書諸達官過塗必從魯借觀今
微矣書散逸殆盡余家所得第大倉一稊耳
周所立

余鄉磐谷國初有周所立先生者善口辯能
詩文所馳不羈今所傳僞漢上梁文其手筆
也時有定住字子靜者爲陳友諒守臨江與
周詞賦往還頗密子靜与

大祖抗于鄱湖被殺周哭之以詩曰綠錦池頭
舊使君近傳消息不堪聞的盧竟死檀溪險

鸚鵡翻成鄂土墳，蒿葉蕭條生夜月。棠陰迢
迢起秋雲，陳琳老大頭如雪。無復軍前草檄
文，清江重鎮牧旌麾。常憶蒸鵝餅，餽時文采
風流三國士。才情穠麗六朝詩，石龍劃起波
濤變金鳳。翻從澤國辭千載，羊公遺愛在行
人。揮淚峴山碑，至洪武中以臨江十才子同
梁石門寅張司成美和黃體方徵入京練中
丞以其人輕脫，僅得臨江教授以歸。其子以
明經中鄉試，仕止縣令。先生扁其門曰：「皓首
窮經，郡祭酒馳四方之翰墨，青雲接武邑大

夫化百里之絃歌黃體方亦余近鄉人仕止
王官詩效李青蓮亦俊爽可喜余僅見其古
風一篇二公家世微矣集皆散落志亦無及
之者良可嘆哉

胡惟庸

高皇帝詔罷中書省以胡惟庸事覺故也攷諸
載記多不同如憲章錄云惟庸總中書政專
生殺黜陟資威福兄子妻李善長從子佑相
結擅權以陸仲亨費聚掌兵馬令都督毛驤
耿衛士劉遇寶及亡命魏文進等爲心膂令

太僕寺丞李存義陰說善長邢謀事皆未發
會涂節商高上變告

上命群臣訊之惟庸遂死陳建資治通紀云丞
相訐惟庸謀逆誑言所居井湧醴泉邀

上往觀惟庸居第近西華門守門內使雲奇知
其謀走衝蹕道勒馬銜言狀氣勃舌駛不能
達意

上怒其不敬左右撾捶亂下奇垂斃右臂折猶
奮指賊臣第

上方悟登城眺察見彼第內衷甲伏屏帷間數

臣亟還遣兵圍其第罪人就縛召奇死矣
封右少監賜塋鍾山唐樞國琛集云太監雲
奇南粵人守西華門通胡惟庸第刺知逆謀
胡誑言所居井湧醴泉請

太祖往觀鑾輿西出雲慮必與禍急走衝蹕勒
馬銜言狀氣方勃猝舌駛不能達

太祖怒其犯撾捶亂下雲垂斃右臂將折猶奮
指賊臣第

太祖乃悟登城眺顧見壯士披甲伏屏帷間數
匝亟返機殿罪人就擒召奇則息絕矣

太祖追悼奇賜塋令有司春秋祀之墓在太平
門外鍾山西弇州山人史乘考誤云胡惟庸
謀逆陰約日本國貢使以精兵裝巨舶約是
日行弑即大掠庫藏泛舟入海事泄伏誅蓋
薛言事發于涂節商曷陳唐言事發于雲奇
而王言主陳而詳其謀逆之實余官南刑曹
曾遊鍾山雲公墓實在焉有穹碑載其事甚
悉則出雲奇似爲實錄或事發時涂與商繼
上變未可知也而薛並奇前後逸之似爲失
實

五穀樹

留都大內丞相府相傳有五穀樹其質如鐵
石樹中能生物如五穀諸曹有事大內者往
往入觀之第以禁地人不常至不得就彼一
驗耳

孫典籍

孫典籍蕢五羊人有詩名今廣中刻五先生
集孫其一也

高皇時坐藍玉事死臨刑口占一絕曰鼉鼓三
聲急西山日又斜黃泉無客店今夜宿誰家

高皇得詩怒監斬者不以聞因并殺之雙槐歲
抄載朝雲集句數十首殊膾炙人口乃以註
誤不得其死惜哉

王吳死節

資治通紀載洪武六年梁王殺我使臣王律
吳雲等攷他錄律以五年正月使而以是年
十二月死雲以八年使而以是年至雲南沙
糖口爲戴知院等所殺非梁王也憲章錄逸
王死不書而通紀合王吳爲一俱誤

明王珍父子

余以甲戌之夏領重慶符重慶古渝州也勝國時明王珍據其地國號大夏今府治即其殿基譙樓即午門也舊刻天下太平字尚存余一日登玩其上見所懸奉天殿金字扁置續塵中亟命燬去橫江鐵鎖三今故在督糧倂宅中一日構小軒發土有石龍二蜿蜒丈許口有穴似當時宮中注水具然基湫隘殊甚渝形勝固奇第山石參差勢急促無停注涵蓄之意僅有險可據耳他載記謂據成都誤也明氏當宇內擾亂獨據一方頗能撫有

其衆天兵至彭氏母子就太平門面縛不血
一刃民得免兵革渝人至今猶稱明主云
其左丞宅亦在城中頗高大爲綦江羅氏居
兼及見之左丞者戴壽也右丞萬勝者黃陂
人智勇無人王珍寵愛之甚妻以弟婦號明
二開國之功勝居八九王珍殂昇即位勝與
知院張文炳有隙密使人殺之內府舍人明
昭因矯彭后旨殺勝保寧守將吳友仁以勝
死非辜遂據城不受命戴壽攻之友仁登城
譟曰使叅政文彥彬來吾即降矣彥彬入乃

告壽殺明昭友仁出詣壽軍馳至重慶謝遂
爲君臣如初昇性溫雅好辭賦其賦桂花詩
云萬物凋零我獨芳花心金粟帶微黃莫言
夢小難堪玩露冷風清天地香昇降後封歸
善侯後送高麗彭氏召入宮側不知所終

魏唐中火箭死
魏唐中火箭死

高皇帝嘉其節爲立廟夔關祀焉

鷄鶩食邑

明氏存日以長壽墊江大足爲鷄鶩食邑所
徵穀以石計後遂以定稅額故三縣歲課獨
重云嘗條其事上官以額久定不便改第稍
爲減別徵然後當有處也

關鐸萬勝

關鐸崇仁人豪俠負氣嘗北遊賦詩有西風
吹醒英雄夢不是咸陽是洛陽後以策干劉
福通號關先生與破頭潘沙劉二等破元澤
潞等州掠塞外焚上都轉破遼陽兵不留行
遂度鴨綠江入高麗高麗王奔耽羅海島中

其臣納女請降將校以下皆配以女鐸恃姻
婭荒昵無備高麗密繫其馬山間一夕傳王
命但非國人皆殺之關沙遂死萬勝者黃陂
人壯年智勇無人明玉珍愛之妻以弟婦稱
明二玉珍僭號改元以勝爲司馬復姓萬二
年遣勝攻雲南勝兵不滿萬咸以當百二
月抵雲南元梁王宇羅先二日走屯金馬山
以自固夷部皆震懼約降遂上平雲南表曰
大軍甫發於三巴踰月遂平乎六詔又曰慨
念中華之貴反爲左袵之流在位貪殘生民

因悴又曰初臨烏撒蠻酋迎款以供輸繼次
馬湖敵壘望風而奔潰因以馴象爲獻王珍
遣使勞之初勝之入雲南也元兵不測其多
寡旣孤軍深入饋餉不繼梁王獲勝親吏知
勝兵僅八千人又皆瘡痍遂聚兵大理勝知
情見勢屈乃引兵還夫以漢唐全勝不能克
六詔而有高麗二人者轉戰倏忽俾二國之
人智不及守勇不及戰堅城重險若履平地
可不謂才略過人哉鐸以驕淫死勝以孤軍
敝使鐸左右有人勝鄒李繼至又得主而事

則二人者當前與英衛論功後從藍傳紀錄
矣僭竊中未嘗無才特在人主駕馭指示之
耳若二人者乃爲福通王珍所得惜哉

金文靖

練中丞子寧金文靖幼孜少在膠庠相友善
中丞謂文靖曰子他日爲良臣必爲忠臣
二公後俱以春秋魁多士臨春秋之盛蓋自
二公後稍傳安成今人知安成之盛不知二
公實始之也中丞死靖難而文靖從

成祖入內閣其勸班師及密謀不發喪最有功

社稷傳云公處僚友能讓鄉父老相傳
成祖謂公金老實然以文貞文敏之才同心共
濟愈於忌賢者遠矣至却或人之請卒不爲
子弟求祿老實者不當如是耶良臣之期爲
不負矣

聶大年詩

臨川聶大年爲仁和學諭后以修史召至京
卒其詩在國初頗爲人傳誦有辭四省校文
詩云名藩較藝遣徵書使者頻頻走傳車老
大難過大行路平生厭食武昌魚五羊城古

仙遊遠八桂林寒木葉踈寄語青雲舊知己
莫因辭賦薦相如

前輩博雅

余郡前輩博雅在宋稱二劉三孔貢父至譏
歐公不讀書他可知矣今所存惟公是公非
二集孔存有六帖雜記餘皆泯泯國初邑先
達稱魯侍郎得之張司城美和魯七歲能暗
誦九經一字不遺以神童舉洪武中修元史
金帛之賜魯爲首編禮書歷舉傳記以決是
否二年由禮部主事拜侍郎

上幸鍾山撰甘露賦獨見稱賞嚴陵徐遵生曰
南京有博學之士二人一以筆爲古一以舌
爲筆蓋指宋學士漁及公云今其後皆爲耕
農無一儒者遺書不知所在張撰著最富載
性理諸書又有群書備數傳于世洪武中以
十才子舉後致仕歸

高皇親洒宸翰賜之今尚存余同年進士張員
外克文鄉進士克文其後也

建文遺事

建文君之生也頂顱頗偏

高皇撫之曰半邊月兒也又與

文皇侍奉天殿

高皇曰風吹馬尾千條線可對之建文曰雨洒
羊毛一片氈

文皇曰日照龍鱗萬點金又試新月詩云誰將
玉指甲搗破青天痕影落江湖裡魚龍不敢
吞

高皇蓋策其不終而知必免於難也乃匣髡縑
及牒授之曰有變發此或云劉文成教之及
靖難師至發之乃楊應能度牒也遂削髮披

經州道出有程濟者朝邑人有道術爲無
池教諭常寢食朝邑而治岳池事不廢堯正
書言某日西壯兵起繫至京下獄後兵起以
編修克軍師徐州之捷諸將樹碑紀功濟二
夜往祭碑人皆不測其意後

文皇見碑怒令左右椎之再椎遽自止按碑索
諸將名族之獨濟姓名以椎得脫至是與衛
史葉希賢從每遇險幾不能脫賴濟以術免
遂自湖湘入蜀由蜀入貴州程番店白雲寺
由程番入雲南武定居獅子山復由閩最後

入廣西橫州南門居壽佛寺十五年僧徒聚者日衆又遁居南寧陳步江一寺僧聚如初又去南寧雲遊四方正統五年復至廣西思恩適知州岑瑛出當道立呵之不避索度牒視之乃楊應能也因自言曰此非吾姓名吾朱允炆也自金川失守木內火起吾潜由地道以出由湖湘入蜀雲貴闖廣轉徙流落今四十年老矣願送骸骨歸瑛太駭聞于巡按御史送赴京寓大興隆寺號老佛程濟從焉京城內外僧拜謁無虛日皆曰此海外高僧

科道官恐其惑衆乃下獄朝廷不忍以太監
吳亮經侍建文使審視老佛旣見亮即日汝
非吳亮耶亮佯曰否曰我昔御便殿食子鵝
棄片肉于地汝時手執壺狗飴之何誑我也
亮伏地哭不能仰視復命畢自經死老佛入
西內卒塋西山不封不樹程濟者後不知所
終云或曰朝廷命三匹於中官視之皆不能
認最後一人至建文君曰我昔欲殺曹賊擲
下金鎗誤中一人是汝也今瘡癥在乎解襟
示之遂抱頸大哭良久乃止諸中官爲之掩

泣蓋曹國禦

文皇敗歸建文君鎖之太廟持金錦謂曰國若
亡爾必死于後城破不久然鄧人黃
潤玉爲廣西提學見建文君跣坐曰我
朱允炆也長身巨鼻聲如洪鐘吳義隆思恩
州爲思恩府先達文君焚宮時

文皇疑匿僧溥洽所以他事禁錮洽又命給事
中胡濙以訪張三才爲名又遣太監鄭和等
下西洋徧物色不可得嘗賦金陵詩是以乘
輿看曉晴葱葱佳氣滿金陵禮樂再興龍虎

地衣冠重整鳳凰城又詩曰流落江南四十
秋歸來白髮已蒙頭乾坤有恨家何在江漢
無情水自流長樂宮中雲氣散朝元閣上雨
聲愁蒲細柳年年綠野老吞聲哭未休又
曰鳳凰一夕忽南侵天命潛移四海心鳳返
丹山日遠龍歸滄海碧雲深紫微有象星
還滅三漏無聲水自沉遙想禁城今夜月六
宮猶在翠華臨又曰閨罷櫺嚴聲懶敲笑看
黃屋符星標南來瘴嶺千層迥北望天門萬
里高款段久忘飛鳳輦袈裟新換袞龍袍百

官此日知何處惟有群鳥早晚朝然考通紀
憲章晉書云歸自思恩野記傳信錄皆云歸
自雲晉書學編於遜國記云自滇南呼寺僧
曰武文也乃聞于朝晉書傳之京師於吳亮
傳晉書云出自田州土官所今觀思恩之陞爲
府及黃督學潤玉言其歸自廣西爲實此
事也以鄭端簡之該博亦或自相矛盾後
淺學則又安所取衷哉新月詩出草木子王司寇元
美以爲元順帝作

葉希賢

葉希賢一名雲浙江松陽人國初以賢良

進任監察御史

或云改授翰林學士

壬午六月之變家

人驚潰相失疑其已死乃發喪以衣冠歸塋

希賢實從嗣君出亡隱姓名削髮爲僧西南

走重慶之善慶里遇隱士杜景賢與之遊常

往來白龍諸山傍有松栢灘灘水清駛每就

澗焉景賢素豪有力爲之寺希賢率其徒數

人入居之昕夕誦經呪人諦聽之則易乾卦

也景賢固知其非常人婉辭之曰相釋誦儒

將儒行乎不可可亟誦佛經希賢亦會其意

遂專誦觀音經寺因以觀音名希賢好觀楚

辭或放舟中流朗誦一葉畢輒投於水而哭
哭已又誦終卷乃已性又嗜酒日注一壺俟
客客至即飲客不至雖稚童亦監拉之入飲
飲半酣呼兒童曰我歌爾和竟瞑焉而寐
號雪菴和尚

一云希賢號雪蓬

願

乃爽指柔白剪

剪落筆成章詞不甚工寒氣渙發能感
愴人死之日其徒問曰死宜銘何許人
也張目曰松陽問姓名不荅遺詩若干首可
真子爲刻之時有補鍋匠亦毀形韜迹往來
隆安里中竟佯狂以死蓋希賢僚友同出

者也又有河西傭及馮翁則莫究其踪跡云
此出樵李郁衮盡心錄攷鄭端簡雪菴和尚
紀曰雪菴和尚名暨不知其姓末又曰此松
陽葉希賢也至葉希賢傳則曰葉希賢監察
御史也或曰浙東人或曰起家鄉薦入臺侃
侃自負建文中屢疏言用兵事又嘗劾耿李
二大將失律金川門失守又詐藩守門者後
坐逆黨死之則與雪菴爲二人矣然詳葉傳
死不甚明其爲雪菴無疑余至重慶詢松栢
灘今屬順慶府大竹縣士大夫亦云葉希賢

即雪菴云。

余旣述希賢事矣偶閱王中丞筆記有葉希賢傳贊因附記焉葉希賢松陽人繇賢良舉異等授監察御史事建文主有直稱壬午

文皇帝下京師兵亂家人驚潰相失疑已死爲位哭而希賢實未死陰從建文主出主變姓名削髮爲僧云何至蜀重慶建刹松栢灘朝夕誦經呪不絕或聽之乃易乾卦之否又時放舟中流歌楚辭畢大哭乃歸又有補鍋匠者不知何姓氏毀形爲人傭工往奉隆安里

竟徭狂以終人蓋言亦御史希賢同出云逸
史氏曰偉哉諸賢乎爲建文君死也然所仇
猶從義焉

高帝且食之人臣稱委質故主回面而改嚮非
忠也激忿而殉以明節也義衛志智衛身托
方外之弃跡下可見故主無辱先人若葉生
輩者足矣贊曰壬午之載帝蹶於藩神龍潛
蒞戰血在原先死則方秉誼何敦後生者君
藏哲何淵猗歟二臣各徇所安不見比干爲

奴則難

陳尚書詩

陳尚書汝言潼關人天順初以奪門功至兵部尚書後竟坐石亨黨敗然其詩亦清麗可誦秋夜云喔喔荒雞唱五更起望北極大星明佳久搗練秋水壯士吹笳月滿城江海久慙生計拙干戈深動故園情尺書望斷南來鴈惆悵空令涕淚零余入關意家必有集存訪之後人微甚矣關志僅載汝言資敏家貧嗜學不倦時衛未有學廼遊荆蜀訪聞人學學成歸客寓西安有某公者每夜聞讀書

聲不輟問之因閱所業乃爲占籍長安遂魁
戊午鄉薦壬戌登劉儼榜進士潼士選舉蓋
陳爲首云

劉文安母

宗伯永新洞山尹公臺爲余言劉文安母夫
人事甚悉頗與祝京兆野記異尹南者公會
祖也與文安父石潭先生交莫逆翁莊居
在潭之上去先生居隔一水每歲秋翁攜酒
邀先生過莊居談論連日夕先生素負氣節
雖甚貧絕粒亦無所干翁每饋之入悉貯

以待先生先生年四十無子翁勸之買妾曰
吾莊居張姓者有女三俱未適人僕有意余
爲君聘其長者於是擇日令其室會先生之
室俾於莊居見其女女稍聞之避山後萬松
中不可得見止次女侍前奉卮酒因相與謀
曰長者去無福次者當之可也乃共取銀繫
其耳於是次女竟歸先生是生文安公與方
伯少叅春元四人文安貴封夫人年八十餘
尚健稍前知未來事天順癸未二月十五夜
文安第試禮闈夫人忽口今夕月色紅甚恐

禮闈有事是歲禮闈果災文安弟僅以身免
又言莊後有萬松嶺其上有玉女祠自夫人
主神像屢塑不就終其身云又言文安少七
歲時翁與先生從潭中浴解衣掛枯樹文安
在側翁曰千年枯樹爲衣架爾可對之文安
應聲曰萬里長江當浴盆翁曰是兒他日必
大用今張氏子孫尚爲農劉子孫甚盛過其
家敘中表不廢野記稱拯溺而得其母蓋妄
也考先生母本姓鰐氏非張氏也恐尹公以
同姓諱之與尚俟他日質之也

石潭戒舟人

石潭先生篤學好古起居最慎然頗近相傳先生計偕買舟北上戒舟人曰舟中無出外我則岸三尺舟人曰秀才第閉船牕無出外我則如約於是先生居舟中舟人竟放舟中誰不知也先生後覺之竟不北上終其身不仕

枝山志恠

野記作于祝枝山元明枝山好集異聞而書爲吳中第一每客來談異聞命之酒或與之書輕佻者欲得先生書必撰爲異聞以奉先

生不知其偽輒錄之今所撰志恠蓋數百卷
中可信者十不能一野記所書大率類是矣
壽寧侯

尹宗伯又言近世紀錄多失真如救壽寧侯
事出李蘭汀闕老而徐咸錄於張文忠傳蓋
是時文忠罷相尹公在京師

世宗內批甚厲蘭汀通之午門以示百官公所
親見也

練中丞降箕

余邑城東百華寺練中丞舊游地曾有題云

閑抱瑤琴訪百華者是也先大夫爲庠生時
歲大比督學使者將至有宋某者頗自負授
徒二十餘人就寺肄業乃請箕以卜進取箕
動如飛問宋某云何書曰黜宋不平之諸生
叩之皆書一不字宋大恨恨因問仙何人乃
書曰乘春重過百華臺野蔓穿窓帶綠來柳
底黃鸝聲欲碎花間青鳥意還催又書一練
字乃知爲中丞也將去復書曰宋某事勘得
是實是歲宋以文藝黜二十人無一錄者中
丞精爽尚未忘故鄉耶又何其言確而中也

余亦嘗叩箕中丞有贈詩數首皆寓期待之意辭稍質茲不錄

石龍城

臨江爲石龍城父老言往時江中有石蜿蜒如龍狀頭角爪甲皆具有周禪師者居慧力寺頗前知有神術察龍爲恠一日運霹靂碎之今城平瓦窳有石如假山置屏間皆龍石也石色白文隱隱類鱗甲居人習見之亦不以爲異

洗墨池

邑百華寺有讀書臺陶桓公故蹟也下有洗
墨池池今爲井寺僧云往歲邑有占魁選者
池水盡黑鄉先達劉公麟占禮魁是歲水黑
甲午黑先大夫應墨泉之號以此戊午又黑
余復忝竊桓公母爲淦人第不知桓公曾寓
此否也池真偽尚未必然所謂黑者亦泉脉
偶然不足爲異也

蕭公靈異

余鄉太洋洲去縣四十里有蕭公廟公名天
任祖伯軒宋咸淳間死爲神立廟元時以公

子祥叔合祀本朝嘗遣官諭祭公永樂中屢著靈異詔加封六府靈通廣濟顯應英佑侯相傳公客遊四川時從舟人求寄一猫重千餘斤舟人難之公曰第許我我自能致之因去不知所在舟至洋洲舵淺不進前夕其家夢公云吾寄一猫在客舟明日可往取比出至江問客舟猫所在舟人恠訝家人云昨夕吾翁夢報我因共曰昔發舟時有一老人求寄猫後不果來豈即此也因共從舵尾索之猫繫其上又客舟載芝麻江上舟忽漏然不

可尋因共祝神漏輒止比艤舟出所載舟漏如故索之有一魚從漏中出腐矣年八十一坐化洞庭之上

成祖北征見有神從空中助旗幟書蕭字因加封順天王今其像在廟門之右大可盈屋又有靛桶一在門之左家人謂公死時囑無莖我第以靛桶覆之今其尸故在凡從江行者叩之無不嚮應於蜀尤著云

周公狗

有周公者余鄉人去余舍僅一里許其像乃

肉身顯江舊有廟後圯家人移入舍祀焉相
傳公爲水神大著靈應有爬沙狗能爬沙湧
泉水余舍之後通大江岸高三四丈上多民
居近十年岸崩及民居下爲一深潭潭上下
水甚駛潭中有一物狀如黑犬第脚稍長每
炎暑時從潭中出曝對岸沙中人競噪之輒
復入水或投之石殊不懼如是者三四年今
潭又稍平是物無復見矣豈張司空所謂癡
龍者乎抑即公狗也

白髮詩

公道世間惟白髮貴人頭上不曾饒此唐人
詩也先祖素齋府君挽周氏父子云于今白
髮無公道不上周郎父子頭蓋反其意而用
之也府君少豪俠好義尤喜爲詩惜散逸不
存余又嘗於敝曆中見和唐人無題四首俱
有致後計偕往來數四歸檢篋中則已化爲
烏有矣止記一聯云綺檻留雲迷薜荔玉簫
吹月隔芙蓉此外有桑榆詞稿尚存

魯孺人節

外祖母魯孺人者珠溪魯廣文稷女也魯故

儒籍嫁外祖吳皆蓋翁外大祖梧岡翁

博雅能詩外祖年未弱冠尤有俊才

博雅能詩

長者皆來就學孺人年二十一外祖得弱疾

甚劇無子止先宜人年尚幼外祖爲詩一篇

書付孺人曰善視之詩云魯女吳郎美一雙

何期郎逝女孤孀蛾眉不許他人畫雲鬢休

同舊日粧我口祇今啼杜宇爾身從此效鴛

鴦西風慘慘黃泉路地下人間兩斷腸又書

一紙曰明中豈料無天地暗裡休疑有鬼神

遂卒孺人誓志撫先宜人而朝夕紡績養梧

岡翁翁卒先宜人適先大夫孺人日夕囊所遺詩佩之年六十餘始就先宜人養八十卒余弟季奉柩塋吳氏鰲頭山孺人性烈烈如女丈夫即心甚愛先宜人然每正色戒之先宜人舉諸子晚孺人保抱鞠育恩甚至余稍長見囊中詩未嘗不對孺人泣相視也監察李公循義按江西爲扁貞烈婦之第惜後無人疏列之朝不及表揚之於一府也

黎先生

先大夫在邑庠喜爲詩與黎先生汝登雲交

莫逆黎有滄洲書屋先大夫嘗就其中倡和
或共放舟中流從先大夫湖上飲一日元夕
乘月從滄洲來適族人張燈湖濱因邀黎共
飲酒闌黎去又邀之遂見一人醉從月下歌
黎喜甚先大夫復取大白酌黎因聯句曰萬
家簫管沸樓臺想見金吾九禁開清夜何人
歌不寐滄江有客去還來燈幢掩映尊前動
春色分明月下回輸與山人得三昧酒酣餘
興更添杯又咏老人燈云白髮缺三字身輕
火煉成形容雖潦倒心孔却虛明前輩風流

契可想見矣

教中丞去婦

太公釣渭代傳覆水之辭翁子負薪室有後
車之載窮遠遲速難可預期至結髮之歡中
遭厭棄如二公者尚爾況其下乎鄉先達中
丞教公宗慶新喻水北里人少寓思南家貧
績學不輟婦屢求去公從之未幾入郡庠是
歲舉鄉試婦再適郡胥窘如故公送入庠時
過婦門婦竊悔之矣及領薦還郡鼓吹迓公
婦見悔恨逾甚是夕自經死公後娶今南京

兆羅君繡藻女兄閨闈甚睦又自爲室其女
弟相守無間云夫不忍一日之約而絕百年
之歡婦之死晚矣乃教公貧不廢學勇不弱
私卒之身與名樹立烜赫與二公相望而三
偉哉此可以風矣

黃給諫

鄉先達給諫黃公名仁山號北川居士當

世皇初年爲南給事中直節耿耿不爲苟合時
永嘉當國公抗言疏論又每同諸大臣會議
公言不輕發諸大臣皆忌公曰黃某奴視公

卿因坐是屢謫公不爲動晚居鄉更爲和易
喜獎誘後進余與表弟鄉進士吳子明去公
居不二里嘗候公公每出酒飲與論世事性
能飲嗜書酒酣間爲說往事一二則至夕乃
罷最器余二人歲計偕公必命酒酌二人爲
饒丁卯公年八十二余往辭公公呼酒酌至
醉謂余曰子此行必高第幸自愛子明雖才
恐一鄉無二進士當少讓子夕送余出公立
門外視余行泣數行下又曰吾老矣此行不
復得見子因共悽然久之乃別先是戊午余

舉于鄉時分宜當國權勢熏灼鄉人無不遊其門者公謂余曰此行當自酌旣爲鄉人不得不一見第不宜數數勉力此行無失身也戊辰余成進士授南刑曹公走書規余曰南都多鄉人商者每來訪攜駝駝候門甚虧雅道子不宜拒第禮而遣之余心服其言後二年卒嗟乎公之愛余至矣

胡廷尉

廷尉練溪胡公名叔廉爲人和易居鄉尤退約絕不以勢位加人鄉有武斷者凌之亦不

校也尤喜獎進後輩余與同年朱大卿在邑
庠時公時取其文讀之輒擊節稱許聞余爲
先人卜地即推所卜與之不少吝又令其弟
約余爲文會會畢公每寢輒起呼燭把誦爲
評品稱說乃復寢余讀書虹沙公一日放舟
同李廣文訪余談論連日夜將別取酒臨江
坐釣石上令童子摘黃菊入盃中飲數爵因
誦杜公詩曰舊摘人頻異新香酒暫隨又囑
余曰吾鄉所望二三君幸勉力自愛已咨嗟
良久別去後二日公卒嗟乎公似有前知者

矣公在分宜當國時厚自韜晦在省中若策
虜情等疏皆國大計後分宜胄子縱日甚公
稍忤其意即託疾歸令臨海時值海上颶風
水溢居民漂溺死者萬計公一一行視其地
爲收而掩之又識今司寇王公爲婚秦氏延
之官舍平成其學夫人劉氏温州二守譙夫
女兄賢而多識尤知書公在省中一日曝所
交遊書夫人間視之爲品詞語藻謬情相與
真僞驗之良然里中婦或從夫人誇公榮達
夫人輒顰曰主上英明百官廩廩將順不暇

朝承恩暮賜死非虛言也何榮達之有公卒
後三月毆血死

睢寧恠

先大夫以乙未上春官不第署睢寧教睢自
劉六之亂死者十九庠無完舍先大夫假楊
氏民舍居焉舍近學宮後有大池一居民言
賊殺人輒投池中積與池滿每雨夜鬼啾啾
有聲人過者或溺或迷不能去學宮禮殿後
有穴五六居民指為大兎穴大兎者狀如犬
稍大每日午人靜輒出殿前向日人從隙中

窺之噪而入輒入穴中不能得楊氏居有書院一往往夜中踰垣入余家老僕顏持槩逐之中其腹墜垣下輒躍而去書院學子二十餘人每夜扃戶歸一夕門鑰不動諸學子書悉裂為碎紙積室內惟余與南平游明府於北書獨全置案上室內又有虫大如榆莢背若人面耳目口鼻俱全余童子時亦不以爲異也豈積冤所化耶大免不知爲何物記稱媪能食墓中死人腦者豈其類耶書以俟博物者

武昌風水

先大夫教武昌時初試諸生見文藻特甚然三十年無一第因詢之皆云學宮面樊湖舊有堤杆外水歲久圯壞氣渙而洩宜稍築舊堤又西山據其右東為民居卑弗稱乃謀于邑憲使孟公大尹陳公經歷方君及耆民劉君典膳嚴君輦先大夫首捐俸為倡孟公輦皆捐貲若干庠生諸父兄各若干鄉義士各若干屬孟公主其籍而劉司出納先大夫日取酒邀孟公從堤上行督其縣民踴躍鼓舞

即萊傭樵子皆爭前出一錢為助又立文昌
武安祠於堤之左為石塔其上堤成縣人爭
命曰朱公堤又題學門曰文筆挿天掃動九
霄星斗義堤止水養成萬化魚龍於是諸生
各攜書就學舍業幾百人每旦先大夫坐堂
上為講四書經義畢次命以題諸生爭自奮
勵誦聲洋洋徹曉不輟是歲熊中丞擢首領
鄉薦次李緒次孟公子懋次方君孫某自後
科第不絕咸歸功先大夫至肖像立專祠云

胡後坡

武昌丞胡公芳者華亭人也少有聲場屋尤
工詩書學蘇文忠因自號後坡居士居官清
約喜與先大夫遊間命酒從西山諸勝遊酒
中倡咏酣然樂也先大夫有詩云人在西山
更倚樓無端風景上簾鉤萬松關近天低處
九曲亭當雲上頭吳業祗今何地著楚山依
舊帶江流千岩萬壑鳴宵雨洗我年來范老
憂公擊節賞曰萬松關九曲亭自有西山來
殆為今日設公有宮詞十首嘗記一結句云
叮嚀積翠池頭水紅葉無題莫漫流大有風

人之致一日先大夫呼余出公面試以對曰
兩戰綠蕉驚鷓鴣夢余應曰風敲班竹亂鳩聲
因呼余為小友先大夫擢應天教公握手嘆
曰子期行矣誰為賞音我自是束管絕弦矣
後擢某縣尹致政歸余家尚有公手書詩若
干幅

淮清橋鬼

少從先大夫宦金陵先大夫遣就何先生家
授春秋先主客淮清橋其子承先嘗為余言
近城有樓多鬼恠能惑人無賴子嘗携草索

故置梁之上若自縊者鬼輒啾啾從梁上助之時方授經不及就其地視之相傳國初時城內外有圍棋擊鞠鬪鷄走馬及三五人聚立而私語者皆捕置一樓但汲水飲之三四日輒死樓名逍遙在淮清街豈即其地耶噫亦異矣

乙巳土食

乙巳歲春夏江西大歉米石銀一兩餘山中民無食采薇蕨已盡乃掘白土為餅餌食之土色微類粉而膩官處屠者雜土羶肉為饅

首味亦佳然不可久食土民食久者氣塞不通往往致斃又余家厚湖上菱葉最茂貧民競採食之富家取以為蔬滑而細亦可啖先大夫午日詩云閒說土饅充蕨粉且便瓜豆對蒲觴蓋紀實也白土相傳即白石脂云

麻陽苗亂

先大夫尹麻陽時蠟爾苗正亂初遣一細作來獲之其人小而黑首無巾迹手獨骨以此辯之後出掠段家寨寨民符正邦獲其一斬首二又出五寨卜攻城不吉酋憤而來過溪

一酋溺死又一酋為毒蛇所斃乃還攻五寨破之又從小坡來攻城小坡兵五百人與之角殺苗百人苗敗走匿山中三日餓死過半自後不復言攻城矣中丞姜公儀張公岳皆欲上先大夫功會姜公去張公卒先大夫亦留滯以歿功不及錄云

洞庭水鬼

余以丙午冬從先宜人泛舟洞庭是日微風天水如鏡舟行甚適夜入湖口泊岸止茅亭數家月色湖光一望無際漁舟數十往來波

間或歌或漁先宜人以孤舟獨宿寢不成寐
夜半漁歌寂然聞水中瀝瀝有聲俄上舟之
前行遶舟後已又上蓬窻聲若以水絮撲窻
者先宜人甚懼余夢中諦聽之啓先宜人曰
無恐聲忽墜波中良久復上如前先宜人愈
益懼余乃大言曰此水鬼乃敢爾耶競躍入
湖中若三四人者呼僕人出視之四顧寂然
無復人跡詢之舟子云湖中每每如是至有
拽舟人共溺者夫水中遺鬼何所附著顧有
形與聲揆之常理誠不可曉

桃川洞

桃川洞在常德武陵縣洞出方竹即晉漁人
遇秦隱者處然洞當孔道又乏流泉似非當
時舊蹟疑好事者因陶記而附和之與邑有
楊生者題對聯二頗佳其一云仙跡久荒方
竹依然環洞口神機誤洩清流無復到人間
其一云車空風雨洒天台樵子留連直要看
盡了這一番棋局滿壁烟霞迷石洞漁郎消
息只因誤放出那幾片桃花先大夫有詩云
故事相傳始晉秦桃花依舊往年春明庭萬

里來重譯流盡殘紅誰問津

盤瓠石

麻陽民其土著者皆盤瓠種與苗同祖有一石在某村名盤瓠石民共祀焉人有犯之者輒從石詛之未有生者有玃狔其先世亦同祖尤善弩射目皆豎善坐草往往從草中射人人立斃即苗亦畏之每遇九月某日禁人行是日皆閉戶不出出即有蛇虎之害有病及出兵舉事必倒一牛占之其法取一牛二人握其首向神一人以利刃剗牛腹牛一刃

輒倒者占以為吉則病必愈事必濟兵出必
勝不然則止又擇他日占之又能以祖術呪
脫枷鎖往大征時獲苗數十皆以大椎碎其
股而以鐵鎖肘鐐禁縣倉中戒無得入磁器
一日守者出令人代之誤以一磁碗入見諸
苗取碗敲之口喃喃作呪鎖盡脫已出倉矣
守者無計乃取火盡焚其倉苗盡死

辰砂

辰沙產錦州萬山麻陽故錦州先大夫尹麻
時值苗亂萬山之砂遂塞所出者砂皆各土

司物也邑人云砂在萬山坑中其深不可測
砂有床取砂者攜乾糧入首掛一燈行且鑿
且行有行數日不獲一床者床在石中色如
白玉砂如箭出床上有床寬尺許者去其砂
床尚可值金十數兩富人取為屏瑩潔可愛
砂所出處紅白相錯亦不易得云砂上者其
價不貲每過江湖必累以狗皮藏之米中不
然舟中光燁燁起即風雲黯黑蛟龍出波中
來戲知者必投砂水中否則人船俱溺矣

水銀

水銀相傳為硃砂燒鍛而成者近水西宣慰司皆掘地得之又甚多麻陽獄中土人有掘之者以布盛土從水中淘之土去盡餘皆為水銀視鍛砂省力十倍

張長壽

麻陽北城外有飛山廟天順中浮梁李春宰邑時有張長壽者因貧奉廟中香火一日掘地獲窖銀數百錠皆有長壽字顧廟中無斧鑿乃往從匠者借斧碎之稍稍置衣食匠者詰其故不能隱告之邑宰輦而入之銀萬餘

兩盡取為修理費今縣治及城皆曩時建也
邑人云元末紅巾亂有田姓者為魁一夕從
重慶劫長壽縣庫銀故長壽物也而發者姓
名實與之合是殆有神啓之與

岩洞奇異

辰州山水奇異處俱以地支名如辰溪酉溪
大酉洞小酉洞大酉之傍有鍾鼓洞中有二
石叩之一作鍾一作鼓聲應洞又有小穴相
傳有人入者見中有一穴露日光又稍入有
一大池可二畝漸入漸遠至不可竟余曾叩

其石信然酉陽宣撫司地亦相接聞有一洞
亦能作鍾鼓聲又梁山白兔亭去二里有蟠
龍洞中深里許觀者火而入有龍床有石田
有石傘形絕類雕刻所為中有龍每遇旱輒
從洞祈雨雨輒應三三瀑布雙下如飛龍洞
所出也余丁丑夏過此欲往觀之士人已具
燎火須臾雨乃不果遊僕夫云龍最靈不欲
人犯之蓋從入者或多不潔每達官遊後洞
必雨居人謂龍洗洞云又永川一山中有洞
亦龍洞也中有蝙蝠大如鴉雅州有洞聞中

有佛像門屏如人間丹漆繪塑者事載七修類稿天地間何所不有特人足跡有未及耳

玉筍夢

玉筍山去邑城三十里山有九仙其夢徵靈驗與閩九里湖大約相類余讀書虹沙時黎先生汝登每約余遊已又中止一日又書來約余乃以前事詰之先生再械書堅約期以翼日晨往舟輿已戒是夕余夢從先生遊至山半有道者來迓共止一亭中設木案石硯各一又出一冊請余二人題因告曰前有閩

人遊此指亭前松咏之其時十月謂寒易盡
而春且至也二人領之黎先生乃留詩二余
續而和之中有云江邊細雨看花入陌上春
雲傍馬飛因忽覺夜四鼓矣余呼友人彭體
升曰玉山之遊已矣問云何余曰余已得一
夢是山靈告我矣及明先生遣人報與夫中
夜為蛇噬足不得行因以夢復之次年戊午
余試事畢將放榜移舟候之夜半風大作質
明微雨余乃從江上赴鹿鳴體升因來詫前
夢之異且賀曰春雲傍馬殆來歲事耶次年

余下第還至武康進士蓋二旬先後十年
乃應又業師周先生易才名籍籍乙邨下第
後往祈夢夢入縣城觀春主人陳氏者縣中
列一香筒甚大問之云此被中用者因行至
縣見衆人昇一大案余坐其上見先生不為
下心恠之又行見余表弟鄉進士吳子明據
一凳以飯為道其事子明曰爾無恠爾不聞
縣尹所出對耶問之云青出於藍會見鵬程
萬里下句先生不肯言先生笑而去及歸乃以夢
告余且賀曰昨曾生惠一香筒宛如夢中者

茲已應他可知矣戊午余中試子明以是秋
補廩生飯謂廩也

廣壽石刻

余臨江郡庠基舊廣壽寺唐盧肇讀書處也
嘉靖甲子江陵程公大賓分守湖西以舊庠
湫隘因拓寺為基鑿池十畝餘架石橋其上
繚以周垣規制宏偉煥然改觀拓基時掘地
得石刻云甲子重逢壬甲子八十蕭公下脉
真殊不可解後程改蕭姓相傳故郡人云第
士甲子及八十之說不知所謂分守公廨在

岸之左公割讀書臺之半為書院其中是歲
產瑞芝一叢頗盛公出以示余嘗作問芝一
篇蓋為此也

虹沙夢

先大夫宜人俱葬虹沙其地先為廷尉胡公
所卜後病砂水小疵乃折券相與先是余卜
葬地遍郡中挾青烏術者日踵至咸言某地
吉余不敢必乃卜之夢是夕夢入延陵五母
舅齋中見案置書一冊視之乃篁墩程先生
集也中有詩一聯云沙色淘新雨江聲捲夜

雷因竊嘆服曰雨不可淘雨後水漲江沙有似淘者雷不可捲風起浪聲如雷有似捲者先生用意乃爾工耶迨覺詳夢地當在江次所指者皆山中遂不果卜後得此乃營葬其間前一夕忽夢大雨余捧二柩哭見一人謂余曰朱文公又曰陶桓公覺則江中浪起如萬雷吼及明視沙間真若淘者乃悟前夢而是地為舅氏族人物計夢在一年之前信有數也

石匣池

邑東鄧氏居山中家業農族大而富相傳其
先世喜延接青鳥之術為卜一地任道傍池
中池為某大姓物度不能得乃收綿布數百
疋若將往閩中貨者而故覆之池中走詣大
姓借宅曝之因以布託大姓暫貯之而去久
不至大姓家稍落漸取其布貨之一日詣大
姓取布則殆盡矣其家度無可償直鄧因謂
曰前布落池中數也必無可償願得池為灌
溉因為券納之青鳥者乃令實土其中而出
其水莖之日掘地深數尺見石匣一鄧不知

啓之匣中見二鴨一飛去一為家人壓其足
仍置匣中塋後家族益盛其最富者足少跛
今呼地石匣池云

雷斧石

吉有謝姓者家迎村其先世喜風水有老人
從魯丈述遊魯指一地在某所亦池也然池
屬大姓不可得因偽為屠者從池近處屠大
姓每來市肉故不問直久之從大姓計所市
直若干因請曰欲得池濯屠具大姓與之後
即其地營塋魯教取石似鶩卵者每置一層

池中又以草覆之如是令與地平乃令取芝
麻焚為灰置棺下教之云此地鵞形石卵也
金鵞抱卵主後富且貴謝有一僕嘗隨曹出
入因丐求一地曹曰汝但取而父骨焚之雜
灰內葬之日汝偽揚灰我眼中我擊汝汝便
呼汝父哭之僕如其教葬訖曹謂謝曰地甚
吉但在某年有為雷所驚者方發謝亦精風
水者不知所謂至期有孫某讀書山中午方
飯忽陰雲四合聞雷聲學子問雷何物某曰
此天地燭燭之氣也言未竟雷從席間起某

面為焦灼是秋舉于鄉謝從曾訊之曾曰地來龍某處有雷斧石以龍運計之當在此年耳謝乃服後子孫二千餘人科第不絕進士應嶽鄉進士中立皆其後也其僕後亦致富戶糧數百石子孫亦幾千人云

東海使者

余已未下第歸六月病面瘡晝寢忽夢中若有人云東海使者覺頗恠之是日午忽大風雨從東北來余書樓屋瓦飛如秋葉下庭砌舍中竹柵俱吹去有僕安焚香堂上聞堂中

似有物墜地者其聲甚大回視之祇黑氣從地起上左樓屋角入雨中不復可辨皆謂雷也或即東海之使耶神理冥冥又有若預告之者殆不可曉

回生傳

同年刑部郎張宗質克文弟宗欽克文幼與余同學在膠庠俱以童子列高等先後領鄉薦歲丁卯與同年教化甫鯤萬州守李紹賢鄉進士吳子明質愚同舟北上舟過清河宗欽病痢方愈適運舟乘風來勢甚駛宗

欽乘舟小幾為所壓遂驚悸昏憤病增劇乃
移就桃源武安廟飲食絕不入口宗質同化
甫三日人購醫顧神無所不至顧視肌骨消
盡僅僅存膚皮著骨上氣且絕喉中第有聲
一線出一日忽大聲作武安語為言病狀病
勿藥且將愈且云舟中有魁星弟兄俱得力
如是者日三四然聲止則寂如死者宗質又
同諸君禱他廟中路子明曰吾輩此行第盡
吾心疾萬萬無可為者還至寢所忽又大聲
指子明厲曰汝曰終云何疾可生顧謂之死

也又顧宗質曰第勿藥將自安毋若人言死而第宗質輩咸相視驚愕已又寂然同舟日久北上期迫化甫三人乃為具棺衾別宗質哭而去宗質獨俟廟中令一童侍寢所如是十有七日忽口中微有聲僮就床聽之問兄安在宗質至問之始稍稍應然氣息微甚以米汁灌之稍能下自是飲漸進聲漸高肌肉漸起一月始復舊初語時宗質恐傷之不敢悉問所向已乃曰自病劇後我乃從諸水神遊上帝以黃河將決命理其脉我從諸神捉

地脉若人間理繩狀自清河起遡河源乃止
工畢時我乃與水神爭席鄉人蕭公勸我亟
歸我乃從河源歸蕭公者縣大洋洲人死為
神封英佑侯後封順天王其神最顯江湖間
宗欽亦家大洋洲云宗欽至京師同舟者咸
疑以為鬼余從京師訊之言病時事歷歷且
云修河時事甚異不能殫述是歲同舟五人
化甫宗質俱擢第黃河決一如其言少宗伯
大倉王公為作回生傳辭多不載

大陰筆風節

四生

余初入南刑曹時大司寇則平湖蜃川孫公
御史臺則莆田允齋林公林公初一見即謂
余曰初入仕途從今日便當立定脚跟余敬
諾而退奉之至今孫公為人謙抑恭慎而中
更整毅每於諸曹郎接見未嘗不溫顏挹之
至曹事剴決一裁以法比不少假借官箴肅
然司寇故嚴重將上堂諸曹郎先從堂後議
獄讞惟司寇可否之即退更不敢及他語余
每上公輒從容間語及文事或從他所見余
文若詩旦日入必云昨某所見某文若詩更

獎借之不為異也部有大獄事公輒自廩廩
又申諭諸司遠嫌疑戢奸偽其勘徐氏獄公
毅然持正諸曹司委勘者俱從曹中寢食不
歸者數日蓋其公慎嚴密如此然竟以此去
去之日更無一言第深自引咎歸閉門歛跡
謝絕賓客人不得一見云公先在北都晨入
朝見一人捧

勅入敬肅殊甚比出復然訊其人禮曹劉郎中
曰材也公異之間又詢其為人與所見合一
日鄉有給諫某當大計偶問公知劉郎中果

乎公以所見對蓋特有毀劉者公力為辯之
劉得白公終不言之人自去南都日稍一言
之因嘆人固不易知也劉後終左轄其在刑
曹諸曹郎出入勤惰一一記之即閨門亦相
敬如賓不少慢也繼公後則建德陶山李公
李公於余為年家然性剛正諸曹郎以獄上
少不比於法輒面責之乃於余顧獨加獎愛
有獄上未嘗不可之即相與言未嘗不委宛
而色怡也間有所咨議或出斤札委曲言之
每有所屬文必曰文第觀其八人重即岩穴

布衣可當千乘柰何區區較計名位也其持
論大率如此再遷江西巡撫卒會余在曹中
不及具柬芻以奠有負知遇多矣林公後為
工部尚書再起為刑部尚書致仕卒謚端簡
李公不及請謚當尚有待也孫公今有子舉
丁丑進士俛仰舊遊踰十年所徒碌碌無能
少自樹立則何以荅異知因漫識之以志余
過

許先生

余師許石城先生家金陵以尚寶卿致政家

居二十年遊情山水文酒自娛性喜客客來
命酒必醉夜酒一玉鼓不輟也金陵當
之會每門生故人來訪先生必留連信宿
官留都者率以歲誕日奉酒為先生壽先
輒賦詩張宴為樂余一夕詣先生時王大僕
為上元先生折柬招與共飲自日午酌燒燈
竟夕仍起酌太白三出門曙矣嘗舉所為詩
笑謂余曰平生愛我無如酒凡事輸人不但
棋先生之興寄遠而達矣錢塘周銀臺與叔
工為詩最不易許可每稱說先生詩曰今稱

詩者僅得一二轍自謂過人若清新俊逸雄
渾而雖無所不有則石城之在白下當稱大
家矣余讀潯洲先生贈之詩云久遊憲部蜚
清譽新拜名邦愜壯心來往詞林聽曼玉飛
騰雲路羨橫金節過巫峽才逾錦堂對岷江
澤共深從此登臺瞻漸遠幾時重和白頭吟
又寄懷詩云論文常下白雲司別去俄驚二
載餘正指巫山看片月忽從淮水得雙魚耳
霖此日隨熊軾靈鵲來年送隼旗宦達有誰
敦夙好知君高誼古人如銀臺詎尤奇覽

送余赴渝州云春陽已轉秣陵鶯江渚東風
趣上征帆苑登壇誰並駕秋曹讞獄久稱平
三山對酒離襟蹙百丈牽雲疊鼓鳴舊舞巴
渝沿猛銳待君文教雅馴更

睢寧蜘蛛

酉陽雜俎載鵲山蜘蛛謂能與龍鬪其絲大
如指可傳金鎗隆慶壬申歲余童子師張先
生來訪余金陵云是歲睢寧夜大雨河溢有
龍五現雲中雷火霹靂雨如注鄉人言有龍
為蛛網所罟須臾火龍至焚網龍乃脫蛛死

山中就其地視之其絲尚彌滿山谷截為馬鞭殊勁直可用不知其能傳金瘡也張名九州仕為夷陵判官許寄余一鞭後去不復相聞矣

記前生

少從張學時有一僕名年可十二三自言前世為淮陰民楊氏女名小閨子九歲死時人引至一處見王者殿上令扶之出男女群聚各飲以羹人競爭取器飲女獨幼不與或與一瓦女墜瓦地上忽促之去不

得飲已乃墮一池中覺後生淮陰民家為子
三歲時父抱就某橋買糕餌見其前父手挽
之曰我閨子也父不能識乃求歸其家見前
母為道前世事歷歷二家因共子之後貧賣
為張僕歲壬申張來訊之死矣

京師宅

京師舊宅多鬼恠蓋歲久無人居陰氣鬱塞
而強死者精靈不散恒出而為厲余官南刑
曹僦鄭氏居人有言其恠者余初不之信然
居亦無他後二兒相繼夭歲辛未童僕皆病

疫至無人供薪水乃市穀酒奠而告之神是夕長兒師簡定芳夢一人自內出蓬首跛足遍體汙穢漸行入園中榴樹根而沒翼日物色之樹有土阜必曩時死者葬其地也少司寇李公第貢士一夔謂余曰此地名羊枋巷白日中尚聞鬼嘯當急徙之余乃徙就東街人云徙後見有物坐井闌上人至則投井中云同年張侍御叔學云曩在都下僦居某室病幾殆夜中室內如萬馬聲旦視馬跡縱橫更不知其何異也

胡貞烈

新安胡氏女鄉進士胡某女也嫁同邑吳氏
子吳之父貸商人貲不能償避之浙吳子從
外舅留學里中病甚女聞之匍匐歸視吳卒
女不食七日不死日飲水數鍾稍能知戶外
事鄉人聞者競來視之履跡滿戶限女戒其
弟使勿內然一一知其人姓名將卒父令僕
邀其舅來女止之僕既去女告父曰舅方出
庄居見僕來避之屋後矣已僕還問之果然
卒之前數日異香繞室內告其父曰我欲少

浴忽室內若雨洒床簀間又告其母曰姑老
矣我二婢在幸無取之歸兒目瞑矣鄉人為
立胡貞烈廟云

金陵泉水

友人盛仲交所評金陵諸山寺泉水凡二十
有一曰鷄鳴山泉曰國學泉曰城隍廟泉曰
玉兔泉在府學為秦檜書院相傳掘池見玉
兔故名曰鳳皇泉在子箭坊鳳皇臺下曰驍
騎衛倉泉在飲虹橋南古瓦官寺地相傳并
底甚闊有鐵金剛擎立故是六朝佳處即顧

凱之面壁所也曰忠孝泉在冶城今卞忠貞
廟曰祈澤寺龍王泉在高橋門外本蕭齊所
建刹最久泉出岩下匯為池自龍吻噴出曰
攝山白乳泉曰攝山品外泉在石塔前匯為
方池池中有石鑿蓮花形泉自花出洩其流
於僧庖曰牛首山虎跑泉與龜池相對池不
甚汲寺止此泉及龍王泉龍王泉稍峻寺僧
多取此曰牛首大初泉在兜率岩下何司寇
所題曰甘露井在兩花臺下曰茶泉在高座
寺右成化甲辰寺僧湛寂菴自開鑿得水瀾

茗味尤勝嘉禾姚綬題曰茶泉曰玉華泉在
靜明寺曰梅花水在坡山嘉善寺本一小坎
泉泛其中如梅花點故名曰八卦井方山定
林寺僧所穿在山半曰獅子泉在靜海寺寺
本昔人維舟處石洞內隱隱有宋人題名曰
宮氏泉淳化關後一里許地名上庄宮氏世
居之曰義井江南義井有三茲在南城德恩
寺中有篆書雷山義井四大字傍有宋丞相
李迪名曰葛仙翁丹井在方山洞玄觀本吳
大帝剏以館葛者葛有仙術今傳其井有留

丹曰衡陽寺龍女泉衡陽山去栖霞不甚遠
梁有本師講經龍女來聽因獻此泉仲交好
奇因紀斯泉仍各繫以銘千載後有攷金陵
泉自仲交始之矣任山甫云凡欲遠取泉須
得石缸一中貯石子半復以泉貯之久乃不
變因附記之

古鑑銘

余家蓄數古鑑其一黑漆古似漢四乳鑑其
二為水銀古俱有銘一云尚方作鏡真美巧
上有仙人不知老渴飲玉泉饑食棗似漢尚

方鑑而少壽如金石四字其一似漢清白鑑而文更奇但不可句數之自清至潔凡二十九字云清白天事君治志之合時玄錫天汪洋恐流日志美之外承可說天母一潔攷漢銘自清至潔凡三十四字云清白天事君治之弇玄錫之物汪洋恐天日志美之外承可說虞高願兆思天無紀潔蓋漢鑑少合時流一四字今鑑少弇之物志虞高願兆思紀十字意後人因漢製而造者然漢鑑語亦似不全恐不得為爾時故物而宣和圖以列之

漢似猶未當也黎先生汝登曾示余一銘云
阿宮照膽仁壽懸宮菱藏影內月桂壺中看
形自寫望裏如空山禽敢出水質慚上聊書
玉篆永鑄青銅渥大似唐瑩質鑑不知為何
代鑑銘也攷丹鉛錄載古鏡銘七內尚方云
尚方作鑑真大巧上有僊人不知老渴飲玉
泉饑食東壽如金石佳且好則知宣和尚方
缺三字為後人作無疑矣

詩識

古今稱詩識者多矣蓋氣之所感發而成聲

有不知其然而然者先大夫教應天時與文
秦中偶得句云木散風前葉雲橫天外山因
忽思曰臯魚有風水之恨梁公有望雲之思
今木散風前雲橫天外非佳語也是歲癸卯
十月大父卒於應天比歸不及見矣及尹麻
陽作登樓詩有英雄未解平苗憤長劍倚天
天為傾之句又作雪詩云此際黃紬被何人
况放衙藍關曾擁馬沅芷復開花震竊怪其
不祥也因遽止之已又作送花詩云二蘇桃
李五更風流出深溝白趁紅霞更以為請乃

續云還向枝頭看青子始終成就荷天工不
半載遂罹大故嗚呼天乎然始終成就尚賴
餘澤之存先大夫所以詒我後人者遠矣